

Proclamacion di Prins Happy & Pancho Birthday

Nos:
Prins Happy
Cacique Mayor di Dakota
Monarca di Camacuri
Comandante General di
Barcelona
Gran Teniente di Tarabana

Y

Pancho Birthday
Shaman di Macuarima
Gran Bucanero di Santa Cruz
Superintendente di Balashi
Supremo di Rooi Bosal

Dirigentenan real y humilde di
sociedad y comunidad
Carnavalesco Arubiano,

Considerando:

Cupa Carnaval di Aruba sigui di
ta un Carnaval unico na mundo cu
su beyesa, luho, creatividad, y
spirito di alegria y goso, ta aplica
medidanan di emergencia pa
Carnaval 50.

1. Entrante awe, Prins
Happy y Pancho Birthday eligi
democraticamente den referendum
di anochi di Prins der Prinsen, ta
ocupa aeropuerto como palacio
gubernamental y ta duna su
number bieu di 50 aña pasa bek,
Aeropuerto Dakota. Nos palacio
administrativo ta ser estableci den
Museo EMCO.

2. Como cu a yega di wordo
comenta cu nos isla ta esun mas
rico na mundo, lo elimina
pagamento di awa, coriente,
telefon, gas y brandstofclausule y
na nan luga bin cu "polucion
belasting" di un sen pa dia pa cada
ciudadano.

3. Mirando cu tin hopi critica
riba nos cedula nobo, ta imprimi
riba cada cedula x-ray di cacumbein
di cada persona conoci como
'djente ID'.

4. Pa pone fin na discusion

UPG y LGO a dicidi cu na number
di Carnavallstanan di Aruba, e isla
aki ta bira ECG (Enig Carnaval
Gebied).

5. Pa mehora economia di
Carnaval, ya cu gobierno prome cu
e fecha aki a firma tratado TIA cu
Merca, Gobierno di Prins Happy y
Pancho Birthday lo firma tratado
Oompie cu Rusia.

6. Pa evita cu ilegalnan lo
haya estadia facilmente na Aruba,
ta exige di cada un cu kier keda
Aruba, pa nan demostra na Warda
Nos Costa, cu nan por baila tumba,
calypso, soca y roadmarch di
Carnaval.

7. Como alternativa pa
elimina of reduci pagamento di prijs
di coriente y awa, y evita
hortamento di coriente y awa, ta
exigi di Elmar y WEB pa kita tur
meter y instala milimeter na nan
luga.

8. Ultimo simannan nos isla

tabata den keintura di duna
cayanan number nobo. Pesei nos
gubernacion a dicidi di cambio
number di Lloyd G. Smith Boule-
vard y yama esaki for di awor 'Straat
van der Straten'.

9. Como cu nos tin Reina,
Prins, Momo, Tata y Mama di
Carnaval y Mrs. Carnival, como
medida pa garantiza Carnaval
despues di su aniversario di oro, ta
exigi di president di SAC pa dentro
di nueve luna presente na su
pueblo, e yiu di Carnaval.

10. Pa garantiza cu San
Nicolas ta keda cu su hotel di 5
strey pa su 'repeat guests' y
turistanan indesea, ta keda mantene
KIA resort, y lo construi na
Rodgers Beach un pier pa barconan
crusero di ilegalnan manera Mighty
Talent a propone.

11. Pa stimula mas nos
deporte, en particular di boxeo y
lucha liber, lo construi riba
parkeerplaats di aeropuerto un

arenadi boxeo, pa fanaticonan gosa
di un 'boshi sous' di nan deporte
preferi.

12. Pa elimina problema di
obesidad riba nos isla, consumo
demasiado di alcohol durante
paradanan, ta decreta cu lo permiti
consumo di solamente awa durante
paradanan y pa mantene stoma,
sandwichnan di pan cu aire.

13. Y por ultimo, pa
proteccion di nos rutanen di
Carnaval, ta pidi Minister di
infraestructura y planificacion, cu
no tin suficiente asfalt, pa yena tur
buraco riba e rutanen cu local
cabrito, burico, porco y carnenan
ta laga cai, y pa hospital cu nan
experticio, desinfecta esakinan
contra bacteria.

Como cu ta un tradicion cu nos
gubernantenan ta haya trato digno
di dignatario durante traspaso di
mando, a dicidi cu:

A. Gobernador ta haya e

tarea pa durante periodo di
Carnaval, conta cuanto producto
di contrabando tin den fon di lama
entre Punto Fijo y Aruba.

B. Nos Prome Minister ta
ricibi studieopdracht pa studia
'studie-opdrachskunde' y
'stagiaires-kunde' na Nort Korea.
C. Tur otro miembro di
Consejo di Minister ta haya
encargo pa busca epicentronan di
temblor den nos area y desvia
esakinan for di nos isla.

D. Tur parlamentario ta haya
encargo pa tene un dialogo
nacional di partidonan pa yega na
un 'Kabrietclub' nacional di
Carnaval na Aruba.

Conclusion:

Pa Aruba porsigui ta e Carnaval
cu miho record di seguridad na
mundo, ta pidi tur Carnavalista pa
proteha nos hendenan y nos
bishitantenan, mantene nos
dignidad, nos sentido civico y
decencia durante Carnaval 50.
Evita consumo di tur substancia y
consumo excesivo di tur bebida,
cu ta maligno pa salud di hende.

Pancho Birthday ta haya
encargo pa ehecuta e decreto aki y
na mes momento tin obligacion
obligatoriamente como orden
ordena pa e-amil esaki pa Warda
Nos Costa, Buitenlandse
Betrekkings, Union Europeo, pa
Conde De Graaff, Duke Donner y
Almirante Balken-Ende, manera el
a ser formula y presenta.

Duna y firma
Na palacio EMCO y seya na
Aeropuerto Dakota, e di 8 dia
Di e di 2 luna di aña di Carnaval
50, 2004.

Prins Happy
Shamir Ytazk

Pancho Birthday
Rolyson Henriquez



Descuento Especial pa Carnaval
Ariba tur compra cash di Afls. 50,- pariba
ariba: chickenwire, hardboard, binddraad,
maskingtape, wiel, lijm, contact cement,
staples, spray paint, dowels, beton iizer,
watercoolers, gas cans, ice chests,
BBQ grills, GAZEBO, LUZ PA LIGHTING
PARADE! Ariba articulo damaged:
BRENCHIE'S descuento por bai te 50%!!!
Bo adres pa carnaval desde 1934"
O'lad 582-4250 Ponton 588-5858 Dakota 583-0750 San Nicolas 584-5666

Marietje Souvenir & Print Shop n.v.
Gasparito 10C, Aruba, Dutch Caribbean
Tel.: 297-5868989 / Fax: 297-5864520
E-mail: masprintshop@hotmail.com

Pa tur bo trabaonan di
print T-shirts,
especialmente pa e
temporada di nos
50 celebracion di Carnaval.